



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ  
ԵՎ ՍՊՈՐՏԻ ՆԱԽԱՐԱՐ

## ՀՐԱՄԱՆ

No 2275-Ղ/2

«04» դեկտեմբեր 2022 թ.

2023 թվականին ԱՆՑԿԱՑՎՈՂ «ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐՉԱՊԵՏԻ  
ԳԱՎԱԹ» ԽՃՈՒՂԱՎԱԶՔԻ ՍԻՐՈՂԱԿԱՆ ՄՐՑԱՇԱՐԻ ԿԱՆՈՆԱԿԱՐԳԸ ԵՎ  
ՄԱՍՆԱԿՑՈՒԹՅԱՆ ՀԱՅՏԻ ՕՐԻՆԱԿԵԼԻ ՁԵՎԸ ՀԱՍՏԱՏԵԼՈՒ ՄԱՍԻՆ  
Համաձայն «Ֆիզիկական կուլտուրայի և սպորտի մասին» Հայաստանի  
Հանրապետության օրենքի 9-րդ հոդվածի «ա», «գ» և «ժ.1» կետերի՝

## ՀՐԱՄԱՅՈՒՄ ԵՄ

1. Հաստատել՝

1) 2023 թվականին անցկացվող «Հայաստանի Հանրապետության վարչապետի գավաթ»  
խճուղավազքի սիրողական մրցաշարի կանոնակարգը՝ համաձայն հավելված N° 1-ի,

2) 2023 թվականին անցկացվող «Հայաստանի Հանրապետության վարչապետի  
գավաթ» խճուղավազքի սիրողական մրցաշարի մասնակցության հայտի օրինակելի ձևը՝  
համաձայն հավելված N° 2-ի:

ՆԱԽԱՐԱՐ՝

Վ. ԴՈՒՄԱՆՅԱՆ

X



ԿԱՆՉՐԱՍ ԴՈՒՄԱՆՅԱՆ

Signed by: DUMANYAN VAHRAM 1909620211

## ԿԱՆՈՆԱԿԱՐԳ

2023 ԹՎԱԿԱՆԻՆ ԱՆՑԿԱՑՎՈՂ «ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎԱՐՉԱՊԵՏԻ ԳԱՎԱԹ» ԽՃՈՒՂԱՎԱՋՔԻ ՍԻՐՈՂԱԿԱՆ ՄՐՑԱՇԱՐԻ

### I. ՆՊԱՏԱԿԸ ԵՎ ԽՆԴԻՐՆԵՐԸ

1. 2023 թվականին անցկացվող խճուղավազքի սիրողական մրցաշարի (այսուհետ՝ Մրցաշար) նպատակն է՝

- 1) հանրապետությունում խճուղավազքի և առողջ ապրելակերպի մասսայականացում,
- 2) բնակչության շրջանում ֆիզկուլտուրայի և սպորտի քարոզչության ապահովում:

2. Խնդիրներն են՝ բնակչության զանգվածային մարզական միջոցառումներին հետագա մասնակցության ապահովումը:

### II. ԿԱԶՄԱԿԵՐՊՈՒՄՆ ՈՒ ԱՆՑԿԱՑՈՒՄԸ

3. Մրցաշարի նախապատրաստման և անցկացման աշխատանքները համակարգում է Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ Նախարարություն):

4. Մրցաշարի կազմակերպումն ու անցկացումը իրականացվում է Հայաստանի Հանրապետության կրթության, գիտության, մշակույթի և սպորտի նախարարի հրամանով ստեղծված հանձնաժողովը և «Հայաստանի աթլետիկայի ֆեդերացիա» ՀԿ-ի կողմից հաստատված մրցավարական հանձնաժողովը:

### III. ԺԱՄԿԵՏԸ ԵՎ ՎԱՅՐԸ

5. Մրցաշարը կանցկացվի Փարաքար-Էջմիածին մայրուղում՝ (ՀՀ Արմավիրի մարզ) 2023 թվականի սեպտեմբերի 20-ին:

6. Մեկնարկը՝ Փարաքար գյուղի մերձակա տարածքից՝ ժամը 13:00-ին. մասնակիցները պետք է մրցավայր ներկայանան մրցումներից երկու ժամ առաջ, անձը հաստատող փաստաթղթով:

### IV. ՄՐՑԱՇԱՐԻ ՄԱՍՆԱԿԻՑՆԵՐԸ, ԾՐԱԳԻՐԸ, ԱՆՑԿԱՑՄԱՆ ՊԱՅՄԱՆՆԵՐԸ

7. Մրցաշարին կարող են մասնակցել Հայաստանի Հանրապետության բոլոր քաղաքացիները, ինչպես նաև օտարերկրյա քաղաքացիները, (սիրողական մարզիկներ, դպրոցականներ, ուսանողներ, պետական և մասնավոր ոլորտի աշխատողներ, միջազգային կազմակերպությունների և դեսպանատների ներկայացուցիչներ, օտարերկրացի զբոսաշրջիկներ, գործող պրոֆեսիոնալ մարզիկները՝ առանձին խմբով), ովքեր չունեն



առողջական խնդիրներ: Մրցաշարի ընթացքում առաջացած առողջական խնդիրների դեպքում պատասխանատվությունը կրում է մասնակիցը:

8. Մրցաշարի գործող պրոֆեսիոնալ մարզիկների խմբում կարող են մասնակցել այն մարզիկները, ովքեր ովքեր զբաղվում են աթլետիկա մարզաձևով, վերջին 5 տարիների ընթացքում մասնակցել են աթլետիկայի ՀՀ առաջնություններին և միջազգային մրցաշարերին:

Սիրողական մրցաշարի եզրափակիչ փուլին մասնակցելու համար Նախարարություն ներկայացնել կից ներկայացված հայտի ձևին համապատասխան վերջնական հայտը, մինչև 2023 թվականի սեպտեմբերի 15-ը:

9. Մրցաշարը կանցկացվի 3 տարիքային և գործող պրոֆեսիոնալ մարզիկների խմբերով, մեկ փուլով՝

1) 1-ին տարիքային խումբ՝ 18 տարին չլրացած միջև 2005 թվականի սեպտեմբերի 20-ը ծնված դպրոցականներ (3.5 կմ) (աղջիկներ և տղաներ),

2) 2-րդ տարիքային խումբ՝ 18-ից 40 տարեկան (1983-2005 թթ. ծնված) կանայք և տղամարդիկ (10 կմ),

3) 3-րդ տարիքային խումբ՝ 41 և բարձր տարիքի (1982 թ. ծնված) կանայք և տղամարդիկ (10 կմ),

4) գործող պրոֆեսիոնալ մարզիկների խումբ՝ տարիքային սահմանափակում չկա (տղամարդիկ և կանայք) (10 կմ),

5) պահանջվող պայմաններին չհամապատասխանող մասնակիցների մասնակցությունը առաջնությանը չի թույլատրվելու:

10. Մրցաշարի անցկացման կարգն ու պայմանները որոշում է «Հայաստանի աթլետիկայի ֆեդերացիա» ՀԿ-ի կողմից կազմավորված մրցավարական հանձնաժողովը:

## V. ՊԱՐԳԵՎԱՏՐՈՒՄԸ

11. Մրցաշարին 3 տարիքային և գործող պրոֆեսիոնալ մարզիկների խմբերում 1-ին, 2-րդ և 3-րդ տեղերը գրաված մասնակիցները (տղամարդիկ և կանայք) կպարգևատրվեն Նախարարության համապատասխան կարգի հավաստագրերով, գավաթներով, մեդալներով և 1-ից 10-րդ տեղեր գրաված մասնակիցները (Հայաստանի Հանրապետության և օտարերկրյա քաղաքացիները) դրամական մրցանակներով:

12. Մրցաշարի բոլոր մասնակիցներին տրվում են համարներ և հավաստագրեր:

Արդյունքներն ամփոփվում են մրցումների ավարտից անմիջապես հետո:

## VI. ԾԱԽՍԵՐԸ

13. Մրցաշարի անցկացման հետ կապված ծախսերը՝ մրցումների անցկացման համար, կամավորներին՝ սնունդ, մարզաշապիկ, գլխարկ, մրցավարներին՝ սնունդ, մարզաշապիկ, գլխարկ, պարգևավճար, մրցանակակիրներին՝ գավաթներ, մեդալներ, հավաստագրեր, շնորհակալագրեր, մարզաշապիկներ, մասնակցության համարներ, դրամական մրցանակներ երեք տարիքային և գործող պրոֆեսիոնալ մարզիկների խմբերի 1-ից 10-րդ տեղեր գրաված մասնակիցներին՝ 1-ին տեղ՝ 1.000.000 ՀՀ դրամ, 2-րդ տեղ՝ 500.000 ՀՀ դրամ, 3-րդ տեղ՝ 300.000 ՀՀ դրամ, 4-րդ տեղ՝ 100.000 ՀՀ դրամ, 5-10-րդ տեղերը՝ 50.000-

ական ՀՀ դրամ, (Հայաստանի Հանրապետության և օտարերկրյա քաղաքացիները) հարկերը, տուրքերը և պարտադիր վճարները չներառված, ծախսերը կատարվում են ՀՀ պետական բյուջեից հատկացված միջոցների հաշվին:

1) Հուշանվերներ՝ պատվավոր հյուրերին, ռադիոհանգույցի վարձակալում, կաշվե թղթապանակներ, ծաղկեփնջեր, հրավառություն, հաղորդավարի ծառայություն, տպագրական նյութեր, տարածքի ձևավորում, նկարահանում, ուղիղ եթերի ապահովում, շարժական բեմ և Լեդ Էկրանի ապահովում, տրանսպորտային ծառայություն, դրոշների ձեռք բերում, հրավառություն, գրենական պիտույքներ, բեռնատար ավտոմեքենաներ՝ մարզագույքը տեղափոխելու համար և գրենական պիտույքների ծախսերը կատարվում են ՀՀ պետական բյուջեից հատկացված միջոցների հաշվին:

14. Մասնակիցների գործուղման ծախսերը (գիշերակաց, սնունդ և ճանապարհաձախսը) հոգում է գործուղող կազմակերպությունը:

## VII. ՀԱՅՏԵՐԸ

15. Մրցաշարին մասնակցության համար ներկայացվում է հայտ՝ համաձայն հավելված 2-ի, անձնագրի կամ նույնականացման վկայականի և առողջության վերաբերյալ տեղեկանքի պատճենները: Փաստաթղթերը ներկայացնել ՀՀ կրթության, գիտության, մշակույթի և սպորտի նախարարության սպորտի քաղաքականության վարչություն մինչև 2023 թվականի սեպտեմբերի 15-ը ներառյալ: Հարցերի դեպքում զանգահարել հետևյալ հեռախոսահամարով՝ (010) 59-96-33, (010) 59-96-32, (094) 80-09-77, մասնագիտական հարցերի դեպքում զանգահարել (077) 85-81-08 երկուշաբթի-ուրբաթ օրերին՝ ժամը 9:00-18:00:



Հավելված № 2

ՀՀ կրթության, գիտության, մշակույթի և սպորտի նախարարի

2023 թվականի 25 հունիսի 07-ի

№ 22 75-Ա/2 հրամանի

**2023 թվականին անցկացվող «Հայաստանի Հանրապետության Վարչապետի գավաթ» խճուղակագրքի  
սիրողական մրցաշարի մասնակցության հայտի օրինակելի ձև**

| №  | Ազգանուն, անուն, հայրանուն | Ծննդյան<br>թիվը | Անձնագիր,<br>(սերիա,<br>համար) | Բնակության վայրը,<br>հասցեն | Հեռախոսի<br>համար |
|----|----------------------------|-----------------|--------------------------------|-----------------------------|-------------------|
| 1. |                            |                 |                                |                             |                   |
| 2. |                            |                 |                                |                             |                   |
| 3. |                            |                 |                                |                             |                   |